

故宮
珍本
纂刊

欽定天文正義

等四種
第二冊
共二冊



故宮博物院編 海南出版社

故宮珍本叢刊第 399 冊天文算法

故宮博物院編

天學會通

天經或問前集

欽定天文正義

天文步天歌

第二冊（共二冊）

海南出版社

欽定天學會通
PDG

圖書在版編目(CIP)數據

崇禎曆書/(明)徐光啓等修輯. —影印本. —海口:海南出版社, 2000. 6

(故宮珍本叢刊)

本書與“西洋新法曆書/(明)徐光啓等輯”等. 23 種書合訂

ISBN 7-80645-667-8

I. 崇… II. 徐… III. 曆書—中國—明代 IV. Z121.7

中國版本圖書館 CIP 數據核字(1999)第 68756 號

故宮珍本叢刊第 399 冊

天文算法

天學會通·天經或問前集·欽定天文正義·天文步天歌

第二冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:24.5 印數:1-400 冊

ISBN 7-80645-667-8/Z·16

定價:3530 元(天文算法·24 種共 23 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

欽定天文正義卷四十一

腎宿占

欽定天文正義

卷四十一

一

腎宿占

史記天官書。小三星隅置曰腎。為虎首。主葆旅事。集解如淳曰。關中俗謂桑榆萼生為葆。晉灼曰。葆。菜也。野生曰旅。索隱。姚氏案。宋均云。葆。守也。旅。猶軍旅也。言佐參伐以斬除凶也。正義。腎。為虎首。主收飲葆旅事也。

宋史天文志。腎。三。星。為三軍之候。行軍之藏府。明則軍糧足。將得勢。動則盜賊行。葆旅起。暗則不可用兵。

觀象玩占。腎三星曰腎。白虎之首。金星也。亦為刃鉞斬刈之事。一曰天貨。主寶貨。其北上三尺為日月。

欽定天文正義

卷四十一

二

五星中道。內主梁。外主巴。漢星明則天下安。五穀熟。動則天下旱。

天文會通。腎宿三星俱明。三軍強盛。一星暗。一軍失將。三星俱暗。破軍殺將。星光浮而數動。搖者。其國有饑軍。

按腎宿三星。其最北一星。亦在黃道南十三度。月五星皆不及犯。觀象玩占。謂其北上三尺為日月。五星中道。較今測差少十度。

彗孛客星見腎宿

漢書天文志。彗星色白。長丈在腎。占曰。必有破國亂君。伏死其辜。腎。梁也。

宋史天文志。客星出入觜。青為憂。赤為兵。黑為水。白為喪。黃白為吉。彗星犯之。兵起。出入。其分失地民流。星字之為兵。亂軍破。其色與客星同占。

觀象玩占。彗見觜。人流亡。有破國。彗字出觜。大臣出戰。彗大貴。有失地。有破國。彗字犯觜。國兵起。天下動擾。客星犯觜。其國破亡。石氏曰。客星出觜。魏有良臣在國。客星入觜。郝萌曰。有喪。臣為逆。一曰。有葆旅之事於國內。黃帝占曰。西戎侵邊。車為急行。赤星入觜。內臣外臣合謀為逆。其星行動則覺。不動則事成。客星守觜。西戎有欲為王者。又曰。有水災。人多餓死。一曰。黑星守觜。殺貴。

欽定天文正義

卷四十一

三

天文會通。彗出觜。有水災。又曰。其國有兵亂。亦曰。三軍亂。則彗出觜。彗星出入觜。留舍不去三十日以上。則天下兵起。府庫空虛。彗星芒角可尋。丈所犯觜。其國有急兵。亦曰。軍士叛。掠民財。百姓受禍。彗星如帚掃觜宿。其國有兵喪。彗星抵觜。軍儲不繼。三軍為亂。一曰。兵潰殺主將。字星干守觜。府兵亂。大將死。字星犯觜。其國有兵喪。大人惡之。暴兵四起。一曰。野有死將。又曰。有亡國。有革政。亦曰。其國有內變。又曰。有被黜大臣。大水。民饑。府庫匱乏。字星抵觜。其國破。軍殺將。有屠城。客星出觜。三軍潰散。主將失勢。入觜。國用空匱。蓄積不實。客星入抵觜。主外奸入。人君有

憂。客星凌犯觜。歲饑。年穀不登。客星大如杯薄觜中。其國有死大將。亦曰。有叛兵戮主將為亂。客星犯觜。太南。其野有陰謀。亦曰。軍士匿謀犯主將。若久犯之。而不去者。大將死於亂兵中。

流星出入觜宿

宋史天文志。流星入犯觜。有叛者。有破軍。觀象玩占。流星入觜中。兵聚其下。車馬急行。出之則民罷。流星犯觜。春夏多雨。秋冬有大風雨。人民多病。天文會通。流星入觜。諸侯有使來。出觜。天子遣人出疆。流星抵觸觜。其野奸使入境。流星白如足線犯觜。隆隆有聲如雷。其國有急兵。又曰。刺客有陰謀。

欽定天文正義

卷四十一

四

雲氣出入觜宿

宋史天文志。雲氣犯觜。赤為兵。蒼白為兵憂。黑趙地。大人有憂。黃有神寶入。觀象玩占。蒼白雲氣入觜。有葆旅之事。出之則禍除。赤雲氣入之。兵起。赤氣如揚波入觜中。兵入國。火隨之入。出觜。兵隨之出。黃白氣潤澤入觜。有負寶玉來獻者。

天文會通。蒼氣入觜。三軍有降者。青氣入。外國有來使。或有降卒。白氣入。大臣有殊方來歸者。

座旗

宋史天文志。座旗九星。在司怪西北。君臣設位之表。

也。星明則國有禮。

天文會通。座旗九星。明則君臣有禮。上下之分嚴。暗則百官有離心。

按座旗九星。其最南一星。亦在黃道北十六度。月五星皆不及犯。

彗孛客星見座旗

天文會通。彗星長丈所掃座旗。其國無君。若彗不及一丈。大臣竊主柄。星孛座旗。其國君臣失道。天下亂。客星犯座旗。其國有兵變。客星大如板光。芒抵座旗。其國有奸臣擅君命以兵叛。

流星出入座旗

欽定天文正義

卷四十二

五

天文會通。流星抵觸座旗。其國有犯。上大臣失君臣禮。若光掩座旗不見。臣侵主柄。以事坐法。

雲氣出入座旗

天文會通。黃雲氣入座旗。其國尊卑辨列。上下交泰。黑氣入之。國有奸謀。白氣入之。有兵變。

司怪

宋史天文志。司怪四星。在井越星前。主候天地日月星辰變異。鳥獸草木之妖。明主聞災修德保福。星不成行列。宮中及天下多怪。

月五星犯司怪

唐書天文志。歲星犯司怪。占曰。水旱不時。

天文會通。月犯司怪。有喪。月暈。司怪三重以上。期三年。有女喪。木星犯司怪。傷木德。其國有憂。火星

犯司怪。傷火德。其國憂內亂。金星犯司怪。傷金德。其野有兵喪。水星犯司怪。傷水德。其國歲饑。民流

亡。土星犯司怪。傷土德。其國人君失信。天下有離心。又曰。月五星干犯司怪。水旱為災。妖異四起。

按司怪四星。第一星在黃道北二度半。第二星在

黃道南十二分。月五星皆及犯之。第三星在黃道

南三度半弱。第四星在黃道南三度強。月火土金水四星及犯之。惟木星不及犯。

彗孛客星見司怪

欽定天文正義

卷四十三

六

觀象玩占。彗孛出司怪。多妖祥。僻偽起。客星出司怪。天下多妖。

天文會通。彗星掃司怪。若長丈所不有亡國。必有死君。星孛司怪。掩星不見。其國有亂臣。客星犯司

怪。有妖言以害國政。

流星出入司怪

天文會通。流星抵觸司怪。則天官失職被黜。一曰。臣下出疆。以安災異。

雲氣出入司怪

天文會通。黑雲氣入司怪。妖言惑人心。白氣入之。為兵變。

欽定天文正義卷四十二

參宿占

欽定天文正義

卷四十二

一

參宿占

史記天官書參為白虎三星直者是為衡石下有三星
星亢曰罰為斬艾事其外四星左右肩股也正義背
三星參三星外四星為實沈於辰為申魏之分野為
白虎形也集解孟康曰參三星者白虎宿中面直似
稱衡晉灼曰三星少斜列無銳形

宋史天文志參宿十星一曰參伐一曰天市一曰大
辰一曰鈇鉞主斬刈萬物以助陰氣又為天獄主殺
秉威行罰也又主權衡所以平理也又主邊城為九
議故不欲其動參為白獸之體其中三星橫列者三
將也東北曰左肩主左將西北曰右肩主右將東南

欽定天文正義

卷四十二

二

曰左足主後將軍西南曰右將主偏將軍參應七將
中央三小星曰伐天之都尉主鮮卑外國不欲其明
七將皆明大天下兵精王道缺則芒角張伐星明與
參等大臣有謀兵起失色軍散敗芒角動邊有急兵
起有斬伐之事星移客伐主肩細微天下兵弱左足
入玉井中兵起秦有大水有喪山石為怪星差戾玉
臣貳左股星亡東南不可舉兵右股則主西北又曰
參足移北為進將出有功徙南為退將軍失勢三星
疏法令急

觀象玩占參七星為虎身伐為尾背為首共為白虎
主西方一曰鐘龍金星也其左肩北三尺為日月五

星中道。暗小則將弱。芒角大張。赤輝旁射。則三軍駭動。天子自將出征。甘氏曰。參為忠良孝慎之子。星明大則臣忠子孝。改常則忠臣受枉。

天文會通。參七星。東北星不明。左將有憂。西北星不明。右將惡之。東南星暗。則後將軍失利。西南星微。則偏將軍當之。

按參宿七星。其最北一星。亦在黃道南十六度。月五星皆不及犯。觀象玩占謂其左肩北三尺為日。月五星中道。較今測差少十三度。

彗孛客星見參宿

宋史天文志。彗星犯參。邊兵敗。貫之色白。為兵喪。

欽定天文正義

卷四十二

三

星孛於參。君臣俱憂。國兵敗。客星入犯參。國內有斬刈事。守之。邊州失地。環統者。邊將有斬刈事。

觀象玩占。彗孛出參伐。甘氏曰。大臣反。兵救地。鈇鉞用。彗孛犯參伐。邊兵大散。客星入參。邊有暴兵圍

城。夏氏占。穀貴。一曰。諸侯國當之。客星出參。鈇鉞兵出。入參。鈇鉞兵入。客星守參。石氏曰。歲饑。郝萌曰。有

兵。臣執主命。馬貴。客星入伐。有斬刈之事於國。出之。有斬刈之事於外。客星守伐。大臣有誅者。舍伐。色黑

為水。白喪。赤兵。青憂。黃為土功。

天文會通。彗星出參。則兵火起。大將失兵職。彗出參中。光芒掩左右肩。其國失大將軍。一曰。不有破軍。必

有死將。彗抵參中央三星。其野有獄事。亦曰。大臣被執。彗掃參伐。光芒掩星不見。其國有邊釁。一曰。夷內侵。中土擾。彗星抵觸參宿。人君尚武。亦曰。禁兵有異謀。孛星犯參。夷狄亂。羅貴。孛星出參。其國有廢政。

一曰。兵火大作。民不聊生。孛星入參中。其國有死將。夷狄盛強。邊將有憂。孛星抵觸參中。其野有叛將軍。士離心。孛星抵參伐。其國有坐法大將。一曰。主將失

權。以事坐罪。客星出參。民饑。大將有棄市者。入參。三軍興土功事。一曰。有兵事。有邊釁。客星守參。秋冬

大水。客星抵觸參。其國大將有坐法者。客星破參左肩星。其國有大將誅。若兩軍相當。其大將先舉者勝。

欽定天文正義

卷四十一

四

客星破右肩星。下有繫獄將軍。客星薄參中。其國破。軍殺將。亦曰。邊將為亂。客星凌參中央三小星。其野有冤獄。

流星出入參宿

宋史天文志。流星入犯參。先起兵者亡。乙巳占。流星出而光潤。邊安。有赦。獄空。

觀象玩占。飛星入參。外兵發。一曰。蠻夷使來。郝萌曰。邊城被圍。一曰。有衡石之事於國內。乙巳占。流星

入參左。五穀貴。入參右。五穀熟。流星出參。兵大出。一曰。有衡石之事於國外。流星犯參。邊兵起。春夏犯。名

將死。秋冬犯。猛將用。

天文會通 流星入參外夷來貢 流星出參將軍出征
流星抵參為早為兵

雲氣出入參宿

宋史天文志 青雲氣入犯參天子起邊城 蒼白為臣
亂赤為內兵 黃色潤澤大將受賜 黑為水災 大臣憂
白雲氣出貫之將死

觀象玩占 蒼白雲氣入伐大將憂有斬刈事 赤雲氣
如波揚入參邊城倉庫災 黃氣出伐將軍戰勝

天文會通 蒼白氣出參其國災入參則夷狄來貢 黃
氣出參則天子有使出入參則四夷有來貢獻者 青
雲氣出參四夷來降

欽定天文正義

卷四十二

五

玉井

宋史天文志 玉井四星在參左

按步天歌云玉井四星右足陰觀象玩占

亦作足下 主水泉以給庖厨動搖為憂

觀象玩占 玉井四星在參右足下水官也 其星微小
如常則陰陽和五穀成 明大動搖則大水 天下饑

天文會通 玉井四星占曰參足入玉井兵起 若笑出
玉井則虎狼衆多害人 玉井變色失常其野有兵起
一曰邊兵作亂

按玉井四星其最北一星亦在黃道南二十八度
月五星皆不及犯

彗孛客星見玉井

宋史天文志 客星入玉井為水為喪國失地出則國
得地 一云將出

觀象玩占 彗星出玉井兵大起 強國失地 守玉井天
下大水 河海溢民多死於水 客星入玉井強國失
地 郝萌曰有喪出玉井齊伯曰軍已出為憂有水敗
入守之三日以上其歲大水

天文會通 彗星犯玉井天下多熱病死 星孛玉井
兵起邊境 客星犯玉井其國水泉不通 猛獸入城
流星出入玉井

宋史天文志 流星入玉井為大水

觀象玩占 流星入玉井中強國失地出之強國得地

欽定天文正義

卷四十二

六

郝萌曰有大流星入玉井不出其年大水 以星小大
遲速言之

天文會通 流星犯玉井其國有外奸入境 一曰有外
兵暴至

雲氣出入玉井

宋史天文志 雲氣入玉井色青井水不可食

觀象玩占 白雲氣入玉井兵起 赤黃氣潤澤入之有
軍來降

天文會通 黃氣入玉井其國大稔 糴賤 赤雲氣入之
大旱 黑氣入之大水

彗星

宋史天文志屏二星。一係天屏在玉井南。一云在參右足。星不具。人多疾。不明。大人寢疾。星亡。主多病。

觀象玩占。屏二星。為屏風。以障風。主疾病。

按屏二星。其北一星。亦在黃道南三十九度。月五星皆不及犯。

彗孛客星見屏星

宋史天文志。客星出於屏。亦為大人有疾。彗星犯之。水旱不時。

觀象玩占。彗孛出天屏。大臣有誅者。國有憂。民疾病。有徙國。客星入屏。四足蟲大疾。出天屏。輔臣有憂。客星出入守犯天屏。皆為疾病。

欽定天文正義

卷四十一

七

天文會通。彗星掃天屏。衛士為亂。彗出天屏。輔臣有變謀。星守天屏。天子親戎服。客星守天屏。人臣有離心。客星逆犯天屏。其野有兵喪。一曰有急兵。流星出入屏星。

觀象玩占。流星入屏星。若犯之。皆為人多病。

天文會通。流星抵觸天屏。外奸入。一曰衛士有異志。

雲氣出入屏星

觀象玩占。黑氣入屏。大疫。

天文會通。黑雲氣出天屏。其國有水災。黃雲氣出天屏。天子以爵賜大將軍。入天屏中。天子得賢將。青雲氣出天屏。其野有饑荒。赤雲氣入天屏。禁庭防火災。

白雲氣出天屏。衛兵有亂。

軍井

宋史天文志。軍井四星。在玉井東南。軍營之井。主給師濟。疲乏。

觀象玩占。軍井四星。在玉井南。主給軍饗。又主水旱。一曰天井動搖。則有大水。

天文會通。軍井四星。明則水泉足。暗則水涸。按軍井四星。其最北一星。亦在黃道南三十五度。月五星皆不及犯。

彗孛客星見軍井

宋史天文志。客星入軍井。憂水害。

欽定天文正義

卷四十二

八

天文會通。彗星掃軍井。光芒掩星。不見者。其國有白衣會。又曰有大兵。星守軍井。其國有更王。一曰有易政。彗孛犯守軍井。兵起。民流。客星犯軍井。則有外奸入營。一曰軍士有匿謀。客星大如杯。守軍井五十日不下者。其野有急兵。客勝主負。

流星出入軍井

天文會通。流星抵觸軍井。其野有奸使入境。流星入犯軍井。軍人災。

雲氣出入軍井

天文會通。黑雲氣入軍井。其野有急兵。白氣出之。其野有兵兵罷。無兵兵起。黃雲氣出之。大將受賜。入之。

出軍大勝舉事無不利赤氣入之軍營有火災青氣出入軍井其野兵乏食

天廁

史記天官書其南有四星曰天廁按其承上正義天廁四星在屏東主溷也占色黃吉青與白皆凶不見則人寢疾

宋史天文志廁四星在屏星東一曰在參右腳南主溷色黃為吉歲豐

觀象玩占天廁四星主天下疾病

天文會通天廁四星占民之安危黃潤光澤天下無失業之民暗及移徙則民不安堵

欽定天文正義

卷四十二

九

按天廁四星其最北一星亦在黃道南四十一度月五星皆不及犯

彗字客星見天廁

宋史天文志客星入天廁為穀貴彗字入歲饑

觀象玩占彗出天廁大人憂若廁中有伏兵犯入之

天下饑客星入天廁天下大饑人相食民去其鄉

郁萌曰水大出黃白星入之天子有喜奇物見蒼白

星入有陰病青星入有憂赤星入有內兵客星出天

廁若守之王者憂

天文會通星字天廁其野有兵喪客星干犯天廁

外兵入塞一曰其野民不安居

流星出入天廁

觀象玩占流星入天廁天下饑一曰水

天文會通流星干犯天廁人多疾病

雲氣出入天廁

宋史天文志青雲氣入天廁為兵黑為憂黃則天子有喜

觀象玩占赤氣入天廁有兵出則禍除

天文會通黑雲氣入天廁則良民為盜白氣入之民

舍耒耜親戎服黃氣入之下民有暴貴者青氣入之

民有饑色赤氣入之天下大旱

天尿

欽定天文正義

卷四十二

十

史記天官書廁下一星有天矢矢黃則吉青白黑凶

正義天矢一星在廁南占與天廁同

宋史天文志天尿一星在天廁南色黃則年豐凡變

色為蝗為水旱為肅殺物常以秋分候之星亡不見

天下荒星微民多流

觀象玩占天尿一星主候吉凶黃帝占天矢明萬物

有命星微則萬物不昌不見則人多疾病一曰天矢

黑大人死常以春分日候之其色黃潤而明則人無

疾天子安若青黑色則國饑人病腹疾多死

按天尿一星在黃道南五十五度月五星皆不及

犯

彗字客星見天尿

觀象玩占彗字客星出天尿若犯守之大人病腹死天下人亦多死者

天文會通彗星長丈餘掃天尿其國內弱威令不行彗星長三丈以上國有大喪星字天尿其野主弱臣強一曰人主有疾病之憂彗字千守尿星天下弓矢用兵起中原天尿星與客星芒角相及其野大饑荒一曰邊兵為角

流星出入天尿

觀象玩占流星入天尿若抵之天下饑民多病

天文會通流星犯天尿色黃有赦色青有饑荒色白

欽定天文正義

卷四十二

十一

兵起色亦有喪

雲氣出入天尿

天文會通黑雲氣出入天尿國有大水歲饑民困黃雲氣其野有赦赤雲氣出天尿其國有兵喪

欽定天文正義卷四十三

井宿占

欽定天文正義

卷四十三

一

井宿占

史記天官書東井為水事其西曲星曰鉞索隱元命包云東井八星主水衡也正義東井八星於辰在未秦之分野鉞一星附井之前主伺奢淫而斬之占不欲明明與井齊或搖動則天子用鉞於大臣傷成鉞集解晉灼曰賊傷之占先成形於鉞

晉書天文志東井八星天之南門黃道所經為天之亭候主水衡事法令所取平也王者用法平則井星明而端列

宋史天文志東井八星不欲明明則大水

觀象玩占東井八星曰天庥一曰東陵一曰天井一

欽定天文正義

卷四十三

二

曰天關一曰天門一曰天渠一曰天亭一曰天候一曰天齊一曰天池水星也主水泉亦為天之南門日月五星貫之為中道又主酒食女主之象主諸侯帝戚三公之位井星正而明則法度正號令明明太盛則多風雨有大水暗小不正則國弱政亂動搖變色則諸侯帝戚有廢戮三公受殃移徙則國亂君憂洪水為災鉞一星附井口第一星遠二寸大而明則斧鉞用兵起動搖芒角則大臣多死於法者星亡則天下大水

天文會通井宿南轅附一星曰鉞星光色明潤王道平法令不繁天下和平若變色出怒角水衡官被逐

月五星犯井宿

史記天官書禍成井集解晉灼曰東井主水事火入之一星居其旁天子且以火敗故曰禍也正義月宿井有風雨之變

漢書天文志水木火三合於東井占曰外內有兵與喪改立王公東井秦也金木合於東井占曰為白衣之會

後漢書天文志熒惑入東井口中為大臣有誅者晉書天文志月犯東井距星占曰將軍死月奄井南轅西頭第二星占曰秦地有兵填星入井大人憂行近距為行陰其占曰大水五穀不成太白犯東

欽定天文正義

卷四十三

三

井距星占曰國失政大臣為亂太白晝見在東井占曰為臣強秦有兵熒惑入東井占曰兵起國亂又曰貴臣相戮又曰無兵兵起有兵兵止歲星犯東井占曰兵起凡月五星犯井鉞悉為兵災一曰斧鉞用大臣誅

隋書天文志月犯東井占曰有水災熒惑犯東井北端第二星占曰其國亂又曰大旱

唐書天文志辰星犯東井北轅辰星為廷尉東井為法令失道則相犯歲星辰星合於東井占曰為變謀太白辰星合於東井占曰為兵謀

宋史天文志月犯東井將死於兵水官黜刑不平月

犯井鉞大臣誅有水事。歲星犯井。主急法多獄訟。水溢將軍惡之。犯井鉞近臣為亂兵起。逆行入井。川流壅塞。熒惑犯東井。兵先起者殃。又曰天子以水敗入守經旬。下有兵。貴人不安。守三十日成。句已角。動色赤黑。貴人當之。百川溢兵起。填星入犯東井。兵起東北。大臣憂。在背而去東井。按天文會通其下亡地。太白犯東井。咎在將。久守。其分君失政。臣為亂。辰星犯東井。星進則兵進。退則兵退。刑法平。按刑法玩占作又曰北兵起。歲惡。芒角動搖。色赤黑。為水為兵起。

觀象玩占。月行至井。變色而青。國有憂。赤有兵。早白。

欽定天文正義

卷四十三

四

有喪。黑大水。黃有大風。月宿井而露。有水患。月犯井。多風雨。大水為災。一曰歲荒人飢。月犯井左右星。女主憂。月犯井鉞。斧鉞用。有拔城。破軍殺將。歲星守井七日。天下和平。七以上至二十日之上。有水災。五穀傷。有土功。一曰秦國亂。守其北。多暴雨。黃帝占曰。大饑。人疾病。郝萌曰。大人多病。有喪。一曰將相死。又為旱。荊州占曰。道上多死人。一曰萬物不成。乙巳占。木留守井。其國以仁致天下。木守井環繞。句已之。有赦。木入井。黃帝占曰。有軍在外。歲星進則兵退。星退則兵進。又曰天下有土工川瀆之事。一曰歲饑人病。木犯井若中乘之。郝萌曰。其國外內有兵起。乙巳。

欽定天文正義

卷四十三

五

占曰。人主有汎水之事。大將惡之。木乘井而守之。逆臣為亂。木舍井。居其東。五穀不成。居其南。諸侯多死。居其西。小兒多死。居其北。有改令。木出入留舍井三十日。天下有水。木逆行井。石氏曰。有兵。木中犯乘守井鉞。斧鉞用。大臣誅。一曰賢相死。熒惑守井三日。貴臣相戮。二十日以上。宮中憂火。滿六十日。有大水。魚行人道。貴相死。郝萌曰。火守井。萬物不成。石氏曰。羅貴。又曰天下名水有絕者。大旱。大魚死。巫咸曰。有逐王。火中犯乘井。有兵。陳卓曰。臣有以家事坐罪者。李筌曰。將死。火入井。甘氏曰。其國凶。米貴。民多死。石氏曰。有役令。黃帝占。牛大疫。兵器貴。一曰山水出。海水溢。國失火。火以春入井。有赦。火入井。太白隨之。羅貴。道上多死人。火逆行井。貴人死傷。有火災。火犯守井鉞。斧鉞用。大臣誅。兵起。臣謀主。執法者死。填星守井。大旱。五穀不成。黃帝占曰。有水。石氏曰。有赦。郝萌曰。有土工。甘氏曰。有壅水。人多病。一曰民飢。久守之。金錢易。守其陽。早。守其陰。水。以入日占。國守之二十日。兵起。土舍井。黃帝占。有賜爵祿事。留三十日。人災。土入井。居其中。早。出之。乃雨。土守犯井鉞。大臣誅。兵起。太白犯井。海中占曰。人主浮船。乙巳占。太白中犯乘井。皆為亂兵起。太白入井。郝萌曰。先起兵者敗。大水。荊州占。將軍有死者。一曰臣有謀上者。大臣。

當其災。太白入井中。留二十日以上。六畜疾。兵起。太白守井。羅貴石氏曰。旱。一曰有火災。太白逆行井。有叛臣。秦地殃。金犯守井。鉞。斧鉞用。大臣誅。國內亂。兵起。辰星入井。水災。文曜鉤曰。蠻夷君有死者。邊兵起。一曰有亂臣。馬貴辰星犯井。石氏曰。刑法不平。乙巳占。水犯守井。色黃潤。天子有善令。色惡。大人憂。水守井。黃帝占曰。大水百川溢。石氏曰。歲早。早晚水。又曰。法臣相戮。郝萌曰。萬物不成。金錢易。一曰五穀霜死。其分尤甚。一曰其國大人惡之。水逆行入井。天下名水有絕者。辰星犯守井。鉞。斧鉞用。大臣誅。兵起。水災。穀不成。

欽定天文正義

卷四十三

六

天文會通。月抵東井南轅。主大將有憂。抵井北轅。主軍士離散。木星逆入井宿。秦地有兵喪。火守井宿。秦分有兵變。大臣謀上。若亡地。又曰。諸侯相攻。火逆行守犯井距星。其國有死將。一曰有覆軍。火行盈而抵井。其國軍中有急政。亦曰大將有峻法。三軍叛謀。火行縮而抵井。其國邊地有憂。邊民受禍。火入井經旬不出。牛馬大疫。兵起。鐵貴。又曰有赦令。先起兵者大將戮。土星抵井宿。其國有曲法。土星逆行犯守井。成句己者。土尅水。旱災。民病。五穀不熟。金星入井宿。有兵兵止。無兵兵起。其野有兵火。一曰秦分有兵謀。金星經天抵井中。其分有邊兵動。不有破軍。

必有死將。金逆行襲井距星。其國有冤獄。水星干犯井宿。其國大水傷禾稼。羅貴民飢。水星逆犯守井。其國有急兵。亦曰有急政。水星入井。有赦。又曰。其分水衡之官以失職被逐。

按井宿八星。第一星在黃道南一度弱。第五星在黃道北二度。第六星在黃道南一度強。第七星在黃道南二度。月五星皆及犯之。第二星在黃道南三度。月與火土金水四星及犯之。第三星在黃道南七度弱。第八星在黃道南六度弱。月與火金二星及犯之。第四星在黃道南十度強。月五星皆不及犯。鉞一星在黃道南一度弱。月五星皆及犯之。

欽定天文正義

卷四十三

七

觀象玩占。謂日月五星貫之為中道。蓋謂井八星一星在黃道北。七星在黃道南。日月五星皆能貫其中也。

彗孛客星見井宿

隋書天文志。彗星見東井。占曰。大亂。國易政。

宋史天文志。彗星犯東井。民讒言。國失政。一曰大臣誅。其分兵火。客星犯東井。穀不登。大臣誅。有土功。

小兒妖言

觀象玩占。彗孛出井。有姦臣在君側。其國大水。兵大起。軍在外則大戰。有死將。其國大人死。彗孛犯井。武容占曰。宮中有亂。秦地兵災。客星入井。水旱為災。

秦地喪亡。一曰外邦有使來獻食物者。一曰五穀不成。糴大貴。一曰有陂隄。若水事。一曰有水賊。道路不通。郝萌曰。君失政。臣為亂。大人當之。多失火。黃帝占。客星入井。留十日。成勾己。有贖罪之令。客星犯井。國亂兵起。郝萌曰。百川溢。客星出井。有白衣自立者。尋破不成。石氏曰。有旱。蟲生。人多病。赤星守井。若入之。貴人有疾。黑星守井。若入之。大水。客星犯守井。鉞斧。鉞用。大臣誅。一曰有兵。將軍為外兵所擒。士卒多傷死。以星所居。及其出之南北。并其日辰占國。

天文會通。彗星如帚掃井宿距星。其下有自立諸侯。又曰有強臣。彗出井。上白下赤。如矛刃。此為兵災。彗

欽定天文正義

卷四十三

八

星干犯井鉞星。秦國受殃。星守井宿。上下相賊。後有地震。孛星抵井距星。其國有軍覆將死之禍。孛星出井。有大使出中國者。孛星觸井鉞星。其野有更令。光芒所射之宿。其國除舊寘新。客星入井。諸侯使至。或有相攻伐事。客星守井距星。其國有急兵。亦曰有急政。又曰有冤獄。客星抵井宿。其國有兵革。亦各以色占之。色赤兵事急。色白兵以義起。色青國饑。兵亂。色黃大將受君賞。色青黑為水災。客星破井鉞。為水患。

流星出入井宿

宋史天文志。流星犯東井。在春夏則秦地謀叛。在秋

冬則富中有憂。乙巳占。流星色黃潤。國安。赤黑。秦分民流水災。

觀象玩占。流星入井。水與城平。天文論。有使從外來。言水兵事。武氏占。其分餓。流星出井。其所至國大水。武密占。天子有水事於外。乙巳占。名水有絕者。流星大而光。衝犯斗。有大使至。主憂。春夏犯。百川溢。秋冬犯。魚鹽賤。

天文會通。流星出井。大臣受命出疆入井。其野有兵。流星抵井。大人憂。外國使至。有陰謀。流星出井。鉞有節。鉞出使事。

雲氣出入井宿

欽定天文正義

卷四十三

九

宋史天文志。蒼黑雲氣入犯東井。民有疾疫。黃白潤澤。有客來言水澤事。黑氣入為大水。常以正月朔日入時候之。井宿上有雲。歲多水潦。

觀象玩占。青雲氣出井。大如井口。上拂參而行入河中。大水沒城郭。期二十日。遠三十日。蒼白氣出井。有水令。入井。民大疫。有喪。黑氣入井。民疾病。多死傷。赤雲氣入井。大水。不則疾疫。亦為旱。一為水賊起。白氣入井。大雨水。黃氣出井。天子以澤泉之利養民。

五諸侯

宋史天文志。五諸侯五星。在東井北。主斷疑。刺舉戒不虞。理陰陽。察得失。亦曰主帝心。一曰帝師。二曰帝

友。三曰三公。四曰博士。五曰太史。五者常為帝定疑議。星明大潤澤。則天下治。五禮備則光明不相侵陵。暗則貴人謀上。芒角禍在中。

觀象玩占。五諸侯五星。近北河。土官也。主扶顛持危。發姦摘伏。察陰私隱匿之事。星欲其均明。明大潤澤。大小齊等。則王者吉昌。輔臣忠正。差戾不明。則忠良屏斥。上下相猜。動搖。則王者不安。天下有憂。春秋元命包曰。移徙。則外牧傷。公卿逃。郝萌曰。五諸侯不見。則貴人有謀主者。張衡曰。五諸侯赤則豐。暗則歉。天文會通。諸侯五星踈拆。則輔臣有離心。就聚。則大臣懷奸謀。

欽定天文正義

卷四十三

十

月五星犯五諸侯

宋史天文志。熒惑犯之。大臣叛不成。太白犯之。諸侯興兵亡國。經天晝見。則諸侯受誅。

觀象玩占。月犯諸侯有死者。石氏曰。火犯若守之。兵起。諸侯憂。若有兵死者。期三年。火逆行犯守。王歷曰。秦國不可興兵。先起者亡。後起者昌。太白中犯。乘守五諸侯。兵起。諸侯有死於兵者。一曰金犯先舉兵者敗。

天文會通。月犯五諸侯。天子失輔臣。一曰將相憂。火犯五諸侯。大臣懷貳以通奸謀。金星犯五諸侯。大臣握兵以叛。

按五諸侯五星。第一星在黃道北十一度。月五星皆不及犯。第二星在黃道北八度弱。惟金星及犯之。第三星五星在黃道北六度弱。月與金星及犯之。第四星在黃道北五度強。月與火金二星及犯之。餘不及犯。

彗孛客星見五諸侯

宋史天文志。客星犯王室亂。諸侯亡地。秦國殃。守之。諸侯親屬失位。彗孛犯之。執法臣誅。又曰。貴臣當之。期一年。

觀象玩占。彗孛犯。兵起。王室亂。一曰州牧叛。西方諸侯失土。一曰執政臣誅。人主有憂。客星犯。兵起。出

欽定天文正義

卷四十三

土

之。大臣有憂。若執政得罪。一曰議臣有黜者。守之。大水。五穀貴。民道死。秦地尤甚。

流星出入五諸侯

觀象玩占。流星入。有喪。以星入日占其國。

天文會通。流星犯五諸侯。諸侯入覲。若色白。隆隆有聲如雷。則外有不庭之方。流星出五諸侯。則天子遣大臣出使。若色黃赤有聲。則天子問罪方伯。

雲氣出入五諸侯

宋史天文志。雲氣犯之。色蒼白。諸侯有喪。不則有誅戮。天下有大水。觀象玩占。蒼白氣入五諸侯。諸侯有黜者。